

持兵太子亦疑使者左將軍詐之遂不度沮水復引歸  
山報天子誅山左將軍破沮水上軍迺前至城下圍其  
西北樓船亦往會居城南右渠遂堅城守數月未能下

左將軍素侍中幸

師古曰親幸於天子

將燕代卒悍乘勝軍多驕

樓船將齊卒入海已多敗亡其先與右渠戰困辱亡卒

卒皆恐將心慙其圍右渠常持和節左將軍急擊之朝

鮮大臣迺陰間使人私約降樓船

師古曰與樓船為要約而請降

往來

言尙未肯決左將軍數與樓船期戰樓船欲就其約不

會左將軍亦使人求閔隙降下朝鮮不肯心附樓船以

故兩將不相得左將軍心意樓船前有失軍罪

師古曰意疑也